



仙居顧碩進士無錫陳周德化教諭鄞縣豐寅初軍稍可徵
餘堙滅多矣其出城迎降安王楹兵部尚書茹瑞吏部右侍
郎蹇義戶部侍郎夏原吉兵部左侍郎劉儁古朴刑刑大
侍郎劉季篾禮部左侍郎董倫大理寺少卿薛嵩翰林侍講
王景脩撰胡靖李貫編脩吳溥楊榮楊溥侍書黃淮芮善待
誥解縉給事中金幼孜胡濙吏部郎中陳洽兵部郎中方賓
禮部員外郎宋禮國子助教王達鄒輯吳府審理楊士奇桐
城知縣胡儼等俱歸附茹瑞先伏地勸進楊榮請謁陵後入
宮燕庶人大善之按程本立字原道少讀書不務章句洪武

九年初授秦府引禮舍人改周府進長史謫雲南馬龍他郎
甸長官司吏目諭降叛夷薦入翰林脩實錄署僉都御史是
年改江西按察副使未行聞變自經所著葵隱集 邊昇洪
武中舉明經累官兵部侍郎有氣節至是拒北兵被獲不屈
死素有志操燕兵入金川門忠死之 陳忠字思忠洪武甲
戌進士第二授編修 王欽長字欽止建文庚辰進士第二授
脩撰方事急約同鄉胡靖解縉吳溥死難竟伏鳩卒 廖昇
以學行名洪武丙子由左府斷事進太常少卿預脩實錄龍
潭之敗慟哭與家人訣自經 葉福建文庚辰進士北師起



自誓必死守金川門有內叛者遂自殺 龔泰字叔安洪武
丙寅貢士明年入太學吏部策試第一除戶科試給事中建
文時遷都給事中北兵渡江泰巡城與妻傅氏訣俄宮中火
泰馳赴見執以非奸籍得釋自投城死年三十六 連楹洪
武中以太學生授贊善 上美其剛正改御史京城陷楹立
金川門下冒馬欲殺燕庶人被殺白氣上冲尸僵立不仆
魏冕勁直有名宮中火起或謂冕宜急迎附屬聲叱之遂自
殺 鄒瑾洪武中嘗官重慶成都建文中遷大理寺丞至是
自殺後夷其族凡男婦四百四十八人子鄒朴以御史進秦


府長史歸里聞瑾死忿激不食卒時謂瑾朴永豐連壁 張
安國燕兵迫謂妻賈氏曰予不能帥兵應敵又不能曲膝而
事人柰何賈氏曰盍隱諸安國乃與妻乘舟泛太湖聞宮變
鑿舟沉死 丁志方洪武乙丑進士北兵迫謂妻韓氏曰吾
一死報國汝攜幼子潛歸以延後及兵入不屈死之 韓節
守金川門城破為亂軍所殺 劉原弼字原輔洪武中任刑
部主事時巷戰遇害 高巍京城破縊死驛舍 徐壘字宗
安薦授銅陵主簿謫淮陰驛丞召還陞蘇州通判擢兵部右
侍郎奉命招集兩浙義勇至是家覆沒于京師壘杜門終老



或曰歸二年逮至京卒于旅 高遜志字士敏元末僑嘉興
洪武二年徵脩元史授翰林院編脩建文時歷太常少卿庚
辰主禮闈稱得士至是遁去不知所之 韓郁字康郁為御
史諫削藩不聽至是遁 李貞字 逃臨平山中已謫佃
玉田 顧碩以通經授石樓知縣擢吏部主事棄官逃去為
富家牧牛每至山椒水湄輒飲泣微咏出牧攜一竹筍緘滕
甚密暮歸即枕之或問其中何物不答洪熙初赦歌曰騎牛
緩々過前阿手執牛繩口欲歌牛飽人歸饑欲歸去幸何幸
何幸々何乃開筍服其衣冠別主人而歸詢其詳乃顧碩也

陳周善道術薦之逃錫山 豐寅初字復初洪武中國子司
業抗疏諫謫教諭棄官躬耕年一百有五歲


焦竑曰漢唐宋統一天下皆有太宗乃克永世藉第令如
盈如建成如德昭必無幸矣由此言之 文皇帝殆天之
所興以長我王國非偶然也當是時使中外臣工人揚
蹇爭攀龍鳳之馭絕迹羊豕之羣豈不竹帛可期身名並
泰哉顧二心鮮媿百辟皆奔天柱折而將傾人綱弛而莫
振究且富貴薰心廉耻道喪國亦奚賴焉故殷湯立而務
光沉于淵周武興而夷齊去之西山孔子曰湯武順乎天



應乎人而又曰伯夷叔齊古之賢人也蓋三子非湯武節
不顯湯武非三子祚不昌非其道實有相成者哉殉難諸臣
錢士升曰古來死忠代不數、商惟墨允漢獨龔膝唐家
河北無一義士宋季南朝止李侍郎未有開創裁再傳而
忠節抗烈千古為盛如昭代遜國之際者也當靖難之師
起以誅錯為名獨齊黃二人耳及天下大定榜列奸臣前
後凡五十人而引繩披根株連瓜蔓澤量若焦孤猿夜
噉參夷之憐于斯極矣則孝孺十族之言有以激之也愈
激愈殺愈殺愈激至于斷首碎骨湛宗燔墓而不顧而萬

乘之威亦几于殫矣夫 讓皇何以得此于諸公哉 太
祖當平元捷至詔群臣嘗仕元者不許賀建余闕李黼祠
贈謚福壽每歲遣官致祭而履聲索、之老臣則醜之以
文天祥而終竄以死蓋激厲培植若此之至也三十年巨
萬世矣食報之厚不亦宜乎

錢士升曰士居恒慷慨激烈聞說古人忠義輒掀髯搥腕
若人、龍叱也者一當事變而蒙面覘顏貽天下笑此無
它氣無根而義難襲也當其憤盈蹶張識者也知其蕭然
立竭矣如王艮四公集議同舍時所為陳說大義相約以



死者豈少哉而別後哭聲獨在流涕不言之王叔夫其中之所存固可想也太史公傳伯夷得其心于千載之下曰夷齊耻之義不食周粟故首陽之餓蓋自耻生也介然有知憐然而不容忍而後氣節附焉此豈可以聲音笑貌為哉士無真廉耻而驕語氣節未有不敗者若溥者可謂知微能相士矣

王良

朱國楨曰初讀鄒朴之傳疑之曰聞瑾死憤激不食卒其用志耶同宗耶又曰永豐連璧其兄弟耶吾學編不以官分彙從其類似有深意特未能顯然合之為一惟吳太常


副書稱朴為瑾之子太常守吉安甚久有異政留心節義確據無疑而吉安同時著節者脩撰王良寺丞彭與民御史曾鳳韶知縣顏環教諭王省縣丞劉亨太常合祀又為之贊予既服其古雅因嘆耳目難周不履其地亦不能考其真也


鄒瑾

袁袞曰高生上書翻々有策士之風以魯鄴自負然破竹之勢豈口舌所能止哉


高巍

郭子章子草除諸公過化黔中者惟陳尚書廸救普安高斷事魏成閔嶺今問二公姓名于普安閔嶺人無有知者






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.






TIFFEN Color Control Patches

© The Tiffen Company, 2007


Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]

國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



339391 v.8



國家圖書館, NATIONAL CENTRAL LIBRARY, TAIWAN, R.O.C.





成祖啟天弘道高明肇運聖武神功純仁至孝文皇帝 御名棣

太祖高皇帝第四子也母碩妃玉牒云 高皇帝第四子蓋

史臣因 帝自稱嫡沿之耳今南京太常寺志載 孝陵祔

碩妃穆位第一可據也洪武間 幸封燕王晚奉命屢出塞

擊胡深入有功貌狀奇偉美髭鬚英武寬仁豪傑樂用其善

武事老將皆謂不及也及 太祖賓天太孫嗣位削藩束濕

諸王多不自安建文元年七月燕王稱兵于北平去其元紀

但稱元年

六月乙卯大兵渡江

乙丑燕王入南京傳檄散天下兵

諭在京軍民人等予日者固守藩封以在京奸臣竊弄威福


骨肉被其殘害起兵誅之蓋扶持社稷保安親藩也今撫定

京城奸臣之有罪者予不敢赦無罪者予不敢殺或小人報

仇擅綁縛劫略禍及亡辜非予本意首惡聽擒餘不許擅縛

其左班奸臣太常寺卿黃子澄兵部齊泰尚書禮部尚書陳


迪都察院左副都御史練安翰林侍講方孝孺禮部侍郎黃



觀大理寺丞鄒瑾少卿吳閩戶部侍郎郭任盧迥刑部尚書
侯泰侍郎暴昭戶科給事中陳繼之工部尚書鄭賜右侍郎
黃福前監察御史尹昌隆戶部尚書張統侍郎毛泰監察御
史董鏞曾鳳韶王度高翔魏冕宗人府經歷宋徵戶部主事
匡敬又榜奸惡官負具如前首方孝孺加戶部尚書王鈺禮
部侍郎黃魁左拾遺戴德彛兵科給事中韓永燕府左長史
葛誠翰林脩撰王叔英衡府紀善周自脩護衛指揮盧振沛
縣知縣顏伯瑋北平布政使張曷戶部侍郎卓敬兵部尚書
缺鉉兵部郎中謝昇戶部給事中龔泰副都御史毛大方徽

州知府陳彥回蕭縣知縣鄭恕錦衣衛都指揮使總兵官都
事宋忠蘇州知府姚善刑部侍郎胡子昭左僉都御史周璿
南昌知府葉惠仲 高不危德慶侯廖鏞魏國公徐輝祖

丙寅諸王群臣請即位不允
丁卯衡府紀善周是脩自經于應天府學自脩泰和人洪武
中除霍邱訓導 高皇帝問其家居曰導人為善擢周府奉
祠正遷紀善居官直諫建文初改衡府數陳北征大計犯衆
怒不顧至是書訣其友解縉胡廣楊士奇江仲隆蕭用道死
學諸友初約同死無一踐者惟是脩能不負矣年四十九




陳瑛請追戮詔不問後楊士奇作傳語其子曰當時我死誰
為爾父作傳聞者以為笑所著詩小序詩譜集義論語類編
廣衍太極圖綱常懿範邇言家訓進思集芻蕘集觀感錄

尹直曰或謂是脩居散地可以死可以無死乃獨勉行其
志焉彼皆全軀保妻子方藉口管仲玄成欲圖後功以飾
耻然則自靖自獻確乎是脩之素守食祿盡心大哉 文
皇帝之卹旨嗚呼舍生取義是脩有矣

郭子章曰高宗夢帝齋良弼而得傳說 建文帝夢異人
授良藥而得紀善雖興亡不同而主臣遇合之跡良亦奇

哉金陵不守之日假令紀善不雉何以見 孝陵懿文于
地下至今 太廟自經之帶來第猶世藏之嗚呼眎蘓之
節段之笏文之衣帶爭裂城中矣予獨怪國初全盛建文
貽紀善有金風慘淡淒涼江山之句豈知燕之必興耶抑
亦詩讖耶

何喬遠曰嗚呼君為社稷死則死之為社稷亡則亡之食
焉而不避其難聖門之所不非也 文帝即位逐捕建文
臣最嚴所不附已者合族誅夷士皆恐懼不敢遁匿楊士
奇輩親為削草除帝辟擢皆自剪髮以至高位雖輔四君



功業有所發明君子以比管仲而方孝孺之禍至波及同
黨朋友數百命以獨成其一忠跡未合于聖人是脩先身
而死擇所而縊節不毀而完其家族其為明哲不遜大雅
可謂善死君矣

殺徽州知府陳彥回彥回字士淵莆田人少坐累戍雲南值
赦不及彥回易姓名黃禮舉明經授保寧府訓導遷平江知
縣守徽州政教一新疏復名氏奉命募民兵入援被執不屈
年四十七妻子給配


袁袁曰昔嵇康被僇而嵇紹卒為忠臣觀彥回之亡命變

易姓名有足哀者而卒以忠死其許身殉國素所蓄積也
豈彼富貴苟生忘親事仇者比哉

戊辰諸王群臣勸進

已巳燕王謁孝陵欵欵感慕攬轡回營諸王群臣備法駕奉
寶璽道迎遮擁登輦軍民夾道拜頰懽呼萬歲詣奉天殿即
大行皇帝位初建文時有道士歌于塗曰莫逐燕莫逐燕逐
燕日高飛高飛上帝畿已忽不見至是驗云

高岱曰我成祖之興雖天命之有在亦人事所宜然者
建文君雖無大過然仁柔不斷事每牽于彌文太祖百戰



以成一統之業群雄雖剪反側未安豈宜以蕩之德臨之哉非成祖之聖神文武兼創守而靖華夷則不有外變必有內釁矣故迄今二百年海內得相安于無事者則太祖開創之功成祖戡定之略並垂于不朽云至削奪宗藩一事非盡出于建文君意但不能自主斷遂聽人所為迨釁孽既成形迫勢蹙則所謂騎虎之勢不得下耳國初有言殺運尚當三十年未除豈其數當然耶乃成祖謂陳瑛曰朕初義舉不過誅奸臣齊黃數輩餘人多宥而用之彼食其祿自盡其心又曰諸臣盡忠于太祖故盡

忠于建文朕非惡盡忠于建文但惡其導誘建文變亂成法耳觀成祖此言豈深有藏怒宿怨于心哉使當時諸臣工若能將順救正其間則方孝孺輩或不至受禍若是之慘也惜其不聞有一言之諫顧有獻讒謔如陳瑛者豈不可悲憐哉

復周王 楠 齊王 棹 封國

夜月犯壘壁陣星又大星赤光自羽林軍流至近濁


庚午復洪武舊制革除建文紀年稱洪武三十五年復諸殿

舊名

國權


建文四年

三五




朱鷺曰 文皇帝駐金川門猶奉章 皇太后曰討賊輔
成王不得已而來朝耳有如建文天子誠將吏且毋用兵
拒戰出九卿中官百數人城外雍然執旂御蓋以親王
之禮奉迎曰聞殿下欲法周公輔成王成王敬速以入而
天子身自袞冕臨朝設周公所負宸以待 文皇帝且柰
何勢不得引嫌自退而必且假手必且推必以居天下之
不韙幸哉其不出此也 遜去焉崩聞焉若虛位以須 文
皇帝之至而 文皇帝得宴然去之而無所事湯武威豈非
天相其間以善 文皇帝之始與為 文皇帝計宜召父兄

百官而告以骨肉不幸之意曰既不獲遂予輔成王初志
予敢以 高皇帝天下付非其人予不得不立則為建文
議謚議廟享議脩實錄議封後綢繆委曲不勝哀悼之心
而絕無快意一逞之迹足可有詞于天下萬世建文不失
尊號 文皇不失顯名豈不善終善始哉顧急乎革除
年號追廢天子此何為者是異姓仇讐相尅之所為而安
在安其為骨肉之不幸哉且何以解靖難也夫靖難執詞
庶几天下之公義而卒疑于私則革除之為也况 文皇
正位之日亦既發喪治塋一如天子禮矣豈其生擅天子



之尊死蒙天子之葬而史獨貶而稱君年獨削而不用耶
以為建文不足存也 皇朝之一葉亦不足存耶我
太祖掃逐胡元再闢宇宙為古今盛王而今一傳剝蝕四祀
無主寶續而名絕之生榮而死辱之儼然正位華夷同仰
既有年矣而一旦胥名實而剷滅之辟如白日正晝而欲
掩為昏宵則誰能信且也且 高皇帝演沒後之年是死
而生之也建文匿生前之號是生而死之也之死致生之
生致死不兩倒哉迹疑于私而事入于倒此忠臣義士之
所浩歎而深惜非惜夫建文之不存而惜夫 文皇帝當

日之舉之誤也嘗觀 文皇帝發謀舉事往 遲疑于天
命去留之際未之敢驟迫而後動不得已而後起上書則
引 祖訓執詞則誅罪人諭志則曰法周公其心固曰吾
一不當而萬世之惡歸之也及至城門不攻而自啟 主
君不校而自亡何憤不雪何怒足留而又必草除之為快
哉嗚呼豈謂 文皇帝之聖也而德宇若是其不寬宏耶
當是時靖難諸臣必有挾淺薄之見肆殘刻之說以從諛
其間者宋太宗問趙普後計對曰太祖已悞陛下豈容再
悞太宗意遂決諸臣其少趙普之徒哉即如賊臣都御史



陳瑛天下平定踰三時矣猶請追修建文忠臣賴文皇
帝置之弗問况乃更擅之際乎又何所不至哉竊謂草除
之舉必非文皇帝意即或有之必遺恨于在天之靈耳
王世貞曰今天中稱建文為草除年非也成祖即位詔
稱今年仍以洪武三十五年為紀其改明年為永樂元年
蓋猶秉踰年改元之禮不欲冒建文之號耳詔內第一款
稱建文以來又慰諭臣民勅稱太祖賓天建文嗣位大
封功臣勅亦同又戒諭文武諸臣勅詞建文不君蓋雖氓
其尊稱尚未嘗其削年號也

復李諒中軍都督

辛未作皇帝親之寶

進燕山中護衛為羽林前衛左右護衛為金吾左右衛俱親
軍指揮使司

刑部員外郎宋禮署禮部侍郎事廣西按察僉事汪泰為鴻

臚寺右少卿

故右軍左都督徐增追封武陽侯謚忠愍


夜水星犯積薪

壬午葬建文皇帝致祭輟朝三日上問翰林侍講王景

國權

建文四年

三六



以喪禮對曰祭葬仍用天子之禮從之國子監博士歛縣黃
彥清在駙馬都尉梅殷軍中縞素發喪私謚曰孝愍皇帝

設遷曰建文帝而在長陵何以置之曰不有生金之賜即

一力任耳欲終為濠梁布衣而不可必得也然則周公輔

成王之義何居曰其弟與子之不免况其身乎 高皇帝

之謚元主為順而廟其世祖不忍以孫倖而歸之嗚呼此

高帝之厚弗可及也僅一傳金陵故老無能指建文葬處

非其跡易湮史牒禪代沿例久矣孟氏所不盡信書耳

癸酉指揮使邱福朱能鄭亨徐忠張武陳注孟善李彬王忠

史真陳賢李遠郭亮房寬徐理唐雲陳旭劉才俱為都僉事

王聰徐祥趙彛俱為都指揮使張輔陳志李濬張興王友俱


都指揮同知孫巖房勝俱都指揮僉事故指揮使張玉譚^督

淵贈都指揮同知

浙江按察使祥符王良自焚于公署良字天性聞變收印及
家屬焚死婦氏先投河死詔徙其族于邊良雨死後風雨
晦暝人見其出後官不敢處葺宅以居

群忠事略曰當時藩臬重臣死于忠者王良與鉄鉉之外


無聞焉嗚呼良初以武穆自誓可謂允蹈其言矣



禮部右侍郎兼尚寶司卿貴池黃觀投水死觀字瀾伯初從許姓洪武辛未禮闈廷對俱第一授翰林脩撰歷尚寶司卿建文初遷禮部左侍郎屬定官制改右侍中仍兼尚寶卿北兵渡淮奉詔徵兵上游至安慶聞變哭曰吾婦有志節不必辱招魂葬江上明日報翁夫人給象奴翁持釵釧詒奴市酒肴急攜女沉通濟橋觀遂朝服投羅剎磯下族其家成如黨一百餘人翁夫人投水時嘔血于通濟橋石中成小影陰雨則見之悽容宛然人咸異之後人移置侍中祠名曰血影石翰林院脩撰進士及第出身黃巖王叔英自經于廣德

魏國公徐輝祖召入不對下獄責狀第書鈇券文以上

王世貞曰當 文皇之起兵而徐公其妃弟也亡論成敗之猶匿而公矢節故主即革命之際小一移志為曹公所為業以元舅居上公備心俯疇能易之公舍而恬然就死一何快也于建文為純臣于中山王為令子矣
朱國楨曰北兵既起朝廷舍耿炳文李景隆以魏公為將其可勝乎炳文老矣景隆驕汰妄人其敗固宜公誠實一節人兵畧難言與大英雄為對難之又難公之將而召還天成之也守死不移出自性定若公而肯為景隆貪元舅



上公之號則先與其弟合謀久矣至廖都督以功臣之子收
正學遺骸不免坐死孝莊先生罪與都督同又親正學之
壻得終牖下是 文皇之待中山反在正學士下毋亦以
世子郡王之歸公獨堅留爵高名高易動人耳目且武陽
屍分可憐恚其兄彌甚必欲盡之獄中耶嗟乎藩邸受困
用兵三四年辛苦危殆謁陵痛哭恨 何如几敗得成大
泄其憤信乎怨毒之于人甚矣哉

錢士升曰書稱熊羆不二心之臣保乂王家而漢室帶礪
之盟爰及苗裔與國同休勲戚尚矣况夫開國元功密受
偶置之命者乎靖難師入正統攸歸以遜順天非若蕭牆
之喋血也以旦代辟非若異姓之革命也且椒塗有倪天
之妹為汭有釐降之姬謹託肺腑委蛇新朝不亦以功名
終乎而快 不忘所事身可幽名可榜爵可傳而志必不
可奪蓋親臣所處極難耳魯昭公之失國也叔昭子祈死
君子以為義而友之司馬孚曰臣死之年固大魏之忠臣
也徐輝祖梅殷二臣亦云


甲戌戒諭群臣

都督僉事顧成為都督同知都指揮同知張信為都督僉事

國權

建文四年

四



故都督僉事陳亨贈都督同知指揮使王真贈都指揮使
命禮部定征守功

乙亥各處守城官及有司以次來朝

丁丑殺兵部尚書齊泰太常寺卿黃子澄文學博士方孝孺
禮部尚書陳廸刑部尚書暴昭吏部左侍郎毛泰戶部左侍
郎卓敬郭任盧迥禮部左侍郎黃魁御史府中丞練子寧大
理寺少卿胡閏兵部左侍郎盧植左拾遺戴德彛戶科給事
中陳繼之兵部給事中韓永監察御史甘霖高翔戶部主事
匡敬袁州知府楊任等籍其家妻女給配宗戚僇成有差凡

奸黨皆如之戶科都給事中義烏龔泰以非奸籍釋之太自

投誠死其齊泰深水人洪武丁卯解元歷禮兵部主事乙亥

擢兵部右受顧命遂專軍事為北兵誅首走廣德逮入侍郎

不屈黃子澄分宜人洪武乙丑進士及第授翰林脩撰尋


兼春坊官侍東宮累遷太常卿東宮即位兼翰林學士並議

削藩後走太倉捕至不屈家僇六十五人成姻黨四百餘人

初子澄謫時攜子彥脩竄籍崑山及被戮彥脩解役至京收

骸藏于焦山後葬于崑山之馬鞍山方孝孺字希直寧海


人師事宋濂洪武中被薦召至京太祖曰此莊士當老其



才用之遣歸杜門纂述後授漢中府教授蜀獻王聘為世子師 建文帝召拜翰林學士遷侍講文學博士日備顧問預議削藩國亡孝孺哀經日夜哭 上數召之不至鎮撫伍雲縈以入 上曰吾效周公輔成王何如對曰成王安在曰渠自焚死曰有成王之子在 上少之曰有成王之弟在 上語塞曰先生休矣促草詔孝孺擲筆哭罵不已 上曰吾能赤人九族對曰即死安能加族我乎行見後之叛備今日也下獄逮其宗戚相踵示之哭罵如故 上怒命抉其吻剔其舌孝孺猶嚙血犯御座磔之至死乃已年四十六所著遜志


齋集餘傳伏僂宗戚八百七十三人遠戍不可勝計孝孺

死叔克家子孝復戍寧夏慶遠衛洪熙初赦還其姓蕃鄭曉吾學編六竄姓葉氏非也上海俞斌原竈籍販布寧海冒方氏竊改寧海縣志于典史溧水魏澤下摘去三行云匿幼子德宗託孝孺鄉人余學夔攜于上海進士俞允孝家改俞姓鄉人葉琰為置田宅求王世貞作復姓記纂歸宗錄至寧海屢訟侵奪萬歷末浙江提學副使晉江王畿斬水周延光讞斥之天啟四年方氏奏上事始定坐方氏黨死門人都督巢縣廖鏞太常寺少卿寧海盧原質監察御史寧海鄭公智河




南布政司 叅政歛縣鄭居貞解元長洲劉政為尤著鏞德
慶侯權嫡子同弟銘拾孝孺遺骸塋聚寶門外山上尋逃去
捕論家成邊母湯和女也同銘女入浣衣局盧原質字希魯
洪武戊辰進士及第授翰林編脩歷太常 上召見不屈死
鄭公智字叔貞力學好古工文詞建文初舉賢良為御史吏
事精敏持法不阿論死成其族鄭居貞洪武中舉明經歷禮
部郎中文行見重叅政河南三年遷去吏民思之劉政字仲
理建文元年舉應天鄉試第一考官方孝孺得而喜聞者孺
不幸時屬疾頓足榻前嘔血死原質鄭公質鄭居貞俱族誅

陳迪字景道宣城人世撫州百戶因家焉幼儻有志洪武
乙卯貢士辟撫州訓導嘗代郡草萬壽表 上覽而異之進
翰林院脩撰陞侍講預備大典轉山東布政司叅議捕蝗弭
盜民甚愛之乙亥擢雲南布政司平叛苗有功建文初召拜
禮部尚書辛巳二月進太子少保尋督餉于外聞變赴京召
問抗聲指斥并收其子鳳山丹山等六人同磔于市罵加甚
割鳳山鼻舌醢以食迪 吐去大肆詬詈比死不輟聲其衣
帶中詩三受天王顧命新山河帶礪此絲綸千秋公論明于
日照徹區々不二臣又有五噫歌並悲烈成宗戚一百八十




餘人幼子珠生五月乳母匿溝中得免被訐戍登州暴昭
山西淳山人建文中以刑部左侍郎充北平採訪使清節甚
峻至是出亡被縛至抗罵命去齒截手足罵不絕口至斷頸
毛泰浙江人建文初吏部左侍郎數上方略被詰問不屈死
卓敬字惟恭浙江瑞安人洪武戊辰進士授給事中遇事敢
言後改元士後復給事中進宗人經歷尋擢戶部左侍郎建
文初燕王入朝密請留之改封南昌以折禍萌至是逮入京
上曰是嘗建議搖朕者耶敬曰日早從敬言殿下安得至此
上怒而欲殺之又憐其才下獄道衍嘗憾敬因曰使敬謀誠

用 陛下寧有今日敬就死從容嘆曰變起宗親略無規畫
敬死有餘罪夷其族子孫有脫者流寓浙江武康縣從外家
姓宋氏 郭任丹徒人不屈就僂子經坐死少子金山保成
廣西三女給配 盧迥仙居人貢太學 太祖微行觀燈聞
書聲問何不往玩曰離親就學何暇之有明日召授戶部主
事歷侍郎臨刑長誥而死 黃魁吉安人工文章習掌故至
是哭罵不屈死族死六十三人 盧植 原缺
練子寧名安以字行新淦人洪武乙丑進士及第授翰林脩
撰建文初擢吏部左侍郎改左副都御史辛巳改御史府中



丞至是不屈就僇李景隆脩憾力傾之遂族誅姻戚死百五
十一人謫戍又數百人所著金川玉屑集子寧妾秦氏有身
生子成所名善慶洪熙初放還 胡閏字松友鄱陽人能詩
博學洪武初薦授都督府經歷建文中遷右補闕進大理少
卿遜國後召至不屈命剝其皮實以草至是滅其族子傳道
併僇傳福方六歲充幼軍調交趾赦歸景泰四年、六十一
鰥而死少女入功臣家後釋歸以處子終凡與閏有連者俱
死戍戍邊者百人累死數千人村里為墟 戴德彛奉化人
洪武甲戌進士及第授翰林編林進侍講改監察御史克舉
其職建文中改左拾遺至是不屈死從弟德信德祐俱被禍
京師時詔使錄原籍德祐妻項氏燬其譜匿二子于外家掠
拷至死不承得宥今二子之後蕃衍祭酒洵是也 陳繼之
莆田人建文庚辰進士授戶科給事中論北事多指斥又曰
徐永福燕之至戚必有陰謀宜先事誅之不聽果開門降至
是責問不屈磔死夷三族 韓永西安人召見欲復其官曰
吾王蠲耳何以官為不屈死 甘霖懷寧人洪武丁卯貢士
授御史持正不阿被執從容就僇子孫相戒不仕 高翔朝
邑人重義慨有文學洪武中舉明經授御史 上聞其名召



翔將大用翔衰經入哭聲徹殿廬夷翔族燬其先墓親黨三百人悉編戍 匡敬平涼人洪武末為御史抗直敢言建文中改戶部主事充史官清慎有聲責問不屈死夷其族 楊任嘉興人洪武間薦守袁州政多宜民以疾去黃子澄出奔至任家園匪復俱擒至磔死族誅九十三人餘戍邊百餘家 郡忠事略曰諸藩之釁泰寶開之此罪之魁也然初以習知邊事受眷于高廟及後專閫外之事乃多失策嗚呼當國者若是欲無亡得乎幸其不屈而死差可人意耳齊泰許相卿曰中庸九經親、為太子澄不能引君當道而踵

襲晁錯之遺謀狂謬又出其下遠甚誤國之罪萬死莫贖

特以一死為不負其君焉爾

黃子澄

袁表曰昔晁錯建議削諸侯卒有七國之變以建文之幼冲而削諸王封爵紛、變易多出齊黃之謀舉百萬之師付之一景隆其敗宜矣而時哀其忠于所事而疎于謀國故特表焉


黃子澄

朱國楨曰北平兵起雖以齊黃為主名坐曰亂政曰奸臣且遵 祖訓、兵待命夫復何詞然請以建文時勢籌之上承 高皇之重下值親藩之強主父偃之策迂緩何及

國權


建文四年

四七




于事抑事有未易言者周王悍悖嘗棄國走鳳陽秦晉二
王數以失德譴責甚至召還此皆 孝慈親生之子也當
高皇時已恬不知畏何有于建文乃 高皇可以父道謝
建文不得不以君道臨何者 高皇先天而先不違者也
患在外不在內草昧之基骨肉間義不勝恩建文後天而
天不可奉者也患在內不在外極重之勢堂陛間恩不掩
義 而文皇以天挺之英名則叔父強則幽燕威名既重
羽翼暗成直馳黃道其何能堪重以告變紛、南之圖北
北之抗南勢所必至而勝敗存亡之機已豫定冥于冥之

中矣二公受建文知遇泰既親承顧命黃亦先有成言畫
策自當如此若一主優容人心難厭完且陵夷終于亡國
此此暗劣如漢之桓靈甘心受制謂仁明之主強力肯泯
泯為天下萬世笑乎君可逃、之不可死之臣則盡心焉
盡命焉又盡族焉道如是止矣若輕着口角有悞國失策
罪魁之語此又與于陳瑛之甚者也 文皇亦且震怒焉
錢士升曰齊黃以英銳之姿處專信之地謀弱藩權僂力
天府所以居重馭強本幹之道也卒至身夷族覆毒流 輕
廟廷良以偶國之慮太深移封之事過激舉動踈略謀之



不臧耳夫王傅有割地之策家令有削郡之奏主父偃請
推恩子弟親屬畢侯當是時齊趙既分吳楚亦滅作左官
之律寢不掉之謀夫三子固漢室之謀主也為國家建長
策亦既效矣議者或以為齊黃過不已甚乎惟是專閫重
任乃屬倚違觀望之景隆逮喪師懷二而後請劔上方晚
矣君子不能不致憾于太常也

徐必達曰事莫重于綱常忠莫大于報主禍莫慘于殺身
夫處人骨肉之間見微知著不難以身發大難之端讀晁
錯傳至今三尺孺子猶搃擊馬至于國破君亡身伏礎礮
洙泗之間斷之馬亟稱召忽之仁不哀其不然者即功如
仲父直如魏徵千載而下謚為辱人况乎子為人奴妻為
人妾九族陳屍六親流血無如建文死難諸臣又况乎親
以及親友以及友數千百人哉輸城旦逮其子孫清勾不
絕如建文諸臣親戚者其足傷悼豈勝言哉
袁袞曰昔管仲不死子糾王魏不死建成而卒以霸王之
業顯然春秋不以召忽之死為非也方公雖得慘禍惡可
少之哉 文皇他日有曰彼食其祿自盡其心耳 昭皇
帝亦有曰若方孝孺輩皆忠臣也大哉王言觀此則諸死



難臣得失明矣袁表曰方孝孺之于文皇湯武之夷齊也
方孝孺


王廷相曰方遜學忠之過者與要亦自激之甚致之忘身
殉國一也從容就死不具善耶激而至于覆宗義固得矣
如仁孝何哉輕重失宜聖人豈為之文山國亡被執三年
而後就死人孰非之哉

許相卿曰或謂李景隆北伐孝孺竇薦之詔建文帝雅相
信重堅任景隆卒至喪師賣國而亡夫夷齊叩馬子路結
纓志義烈矣然其處死從容成就一是而已孝孺深痛過

激殲戮族糜軀古今死義未有慘毒若此之甚者也悲夫
乃後文廟言及孝孺輒憤頓足不能平當時瀆犯口
語可想見矣


顧璘曰先生王者之佐于時以彼其才易服就列宜致卿
相之位究厥謨猷顧豈與唐王魏者等先生不此之願悲
楚抗激至殺身沉族而氣不少回九以存君臣之義為天
下防也嗚呼忠哉抑有功于昭代深矣雖報國闕然而遺
文盛流此固列聖之惠與

王世貞曰先生之學出于宋文憲不能如文憲之博而純



則過之非孔孟之書勿讀非濂洛閩之學勿道而至一
節之士如周孟僑楊雲啟孔璋輩津、稱之不容口異日
經濟之不盡究而以効命遂志終固其託寄樹立然也世
之哀先生者或過有所褒飾然不失為志士而國史成于
宣廟時似亦可以已矣而曰孝孺叩頭求哀命執之嗚呼
彼寧非叩頭者哉

何喬遠曰孝孺平生傑然必為君子也賤文章而貴道德
耻刑法而尊教化慮無不發明聖訓敷道王道當是時天
下皆以孟軻韓愈復生自亦以遭遇時君當世無二奮然
謂三代仁義禮樂為必可師田必可井閭必可比刑必可
措何其勇也哉自待如彼其高遇之如彼其信所著深慮
治要官政民政諸篇誠救時之良藥惜乎好古太堅求治
太銳欲以一人之身挽回數千年之世道狹小前人紛更
高皇帝之制夫先王之道仁義禮樂莫大乎親、在廷諸
臣可以得建文君者宜莫如孝孺雖有善者亦無如之何
哉建文君既亡斬哀晝夜哭觸犯嚴威刑七日乃亡宗族
親戚朋友坐誅者千有餘人古今成仁之禍烈未加此也
嗚呼、文皇英武宏達求士如饑渴令孝孺與三楊蹇夏



TIFFEN Color Control Patches


© The Tiffen Company, 2007

Blue Cyan Green Yellow Red Magenta White 3/Color Black

諸人樹勲當時固將列彛鼎勒景鐘又令稍掩剛愎以存
堂陛之詞亦可及身而止死者埒于市矣猶然轟雷霆赴
水火如枕席其心有所必然也孝孺死浙東之仕于朝者
以身殉建文君獨多于天下故夫行有勸而德有風孔子
曰志士仁人其斯人與其斯人與 方孝孺
朱國禎曰方先生以聖門之學擅蘇氏之才 高皇帝養
之 建文皇帝用之廢几可興教化而遭時大抗退不得
為巢由進不得為周召即求平世卿士不可得則有成其
為方先生而已或嘗以更改制度為無成或憐以激烈沉

宗為太過噫 太祖之制誠無可改也直易視北平以潤
色太平為得意謂君臣千載一時不可失耳乃建文知遇
如此謀人之國至于極敗不一明目張胆抗言之而黯
付此身尺組刀圭間比于溝洫成何局面金陳和尚兵潰
城破俟殺掠稍定然後出口今日明白死後世必有知我
者一武夫立志猶且如此而何況于先生者乎凡忠臣孝
子遇大不幸之時一事一有顧瞻便生退轉則所謂叩頭
而乞餘生者何所不至而豈先生之本色者哉

錢士升曰鈞黨之禍始于漢季聖朝方隆盛治而逆黨誅




夷于前奸黨殲慘于後何其酷也夫不賞之疑浸而成逆
猶可言也匹夫有志抗而稱奸則義士之扶去非乎希直
之族益以游黨坐死及千人以視刊章捕治收考徧天下
抑又甚矣程濟載讓皇遁蜀時夜聞人述諸臣慘死事
泣然飲泣曰吾獲罪于神明矣諸公皆謂我也傷哉言乎
設遷曰方正學烈矣而議者謂其于建文無稍濟雖死于
忠然紛更制未盡正學意也道行忍人也郊送文皇
于北平首請全學自有深服其心者匪獨以文矣文
皇方藉口周公而成王之弟二語無解于天下
萬世其威加十族溢于常典而不能折南史之簡則以成
敗論者行也

群忠事略曰陳迪雖以文學進觀其歷履盖有用之學也
及進位公卿用達其才且益晚矣其死也猶激烈炳烺不
下方孝孺云

馮時可曰陳迪以布衣游至宮保遇亦隆矣當靖難初抗
詞不屈遂致滅族豫讓國士之報亡媿哉

許相卿曰卓敬有高世之才未及大展立朝忼慨多所建
明于天文地理律歷兵刑罔不精究尤邃性理之學詩詞




宏壯為文精神峭拔磊落如其為人 文皇徵時知其名
死猶惜之曰國家養士三十年卓敬可謂不負君矣

焦竑曰天步初夷屬搶攘而未定故人懷靡常舍聖神其
奚屬斯時也以 高帝之子續承 高帝之緒以 高帝
之略龕夷 高帝之人新命舊邦非逐鹿之可擬子燕孫
詒豈瞻烏之靡定公即準管魏之操撫鐘簋而自怡其與
更二姓事二君者當異日設也顧刀環築口欬堯之語不
輟戟枝入頸送往之情彌厲臧洪同日誓不俱生卞壺一
門几無唯類豈不痛哉嗚呼方黃之死事非不烈也而石
畫無聞胡解之妾身非不智也而顯名俛失前有曲突之

謀後無啣璧之辱奮一時而超千祀者其惟公乎 卓敬


葉燦曰公負環瑋杰特之才為一代經綸大手是時宗子
無維城之助諸藩有猜忌之嫌方正學擔板而不通齊黃
革削奪以激變而公獨建議徙燕于南昌是真善處人骨
肉之間而委曲調劑卓然為安邦定國之長策使公之議
得行則隙不開難不作可以無壬午之事矣惜其不用而
公有止一死耳公死國樂清樵夫死公所以死雖不同其
心一也



朱國楨曰卓公為建文效死忠義不必言然最初論諸王服飾當辨後言燕當徙封又究心周邵理數之學此其學問識力青田之後一人乃姚少師以舊怨激使必殺夫當日迎則生不迎則死公之死計乃決文皇自然不容即委曲宣諭必抗必死何藉于激少師智人也固憐之于方正學矣何獨于卓緼此心多此口人不可無學儒則仁義學釋則慈悲少師所學何事佐文皇取天下誅殺慘夷既不能救又益薪焉即溥洽之請亦在屬纊之時豈慈心至此始發抑恩怨太重英雄本色固然文皇又可逢

不可拂湊成此殺運耶

陳德文曰王蠲龔滕非不死不託孤膺寄採薇積餓從容引決子寧固親信誼均休戚要不可同日而語也恒言烈士殉名練子寧豈殉名者抑仲尼所謂求仁而得仁者非耶高皇帝聖性嚴重子寧布衣慷慨犯之今其言固歷歷在人心目間也非其見定于素哉夫士無直言敢諫必不仗義守節子寧蓋難臨無苟免者死重于太山矣練子寧朱國楨曰吾獨浩然堂記深感死事者其忠同其時勢之遲速不得不異也文山一逃于京口再逃于空坑囚燕三



年從容就死疊山居家已久徵入燕不食死其室家皆亡
恙黃練諸公一日并命又盡其族此豈文謝之遲留黃練
之勇決而文皇之至仁大聖反不如元主之寬厚哉元
以全力舉宋得其降臣甚衆狎之亦太甚所不能降者獨
此兩人耳必欲降之故用緩法文山亦時志在興復必
死為期必報主為快一日可三年可十年亦可乃若文
皇則異于是以孤軍渡江縱其將士甚衆疑之亦太甚所
不可緩者獨此數人耳且舊主既已出諸人走廣德走吳
中走海上謂何宜其用亟法若不能一日待一人留也善


哉乎時為之斯其稱浩然乎而諫死者又當別論矣

總論

趙時春曰靈臺以巨故加祖俗傳巨御史今江南諸野史
作戶部主事平涼人豈御史九年考績遂及于難而鄉人
仍稱故官也與其曰平涼人抑以縣名未彰故稱郡耳
史桂芳曰胡閏子傳福六歲充幼軍調交趾赦歸景泰四
年六十一鰥而死此豈章惇所為哉母亦胡公命數之
窮耶不然天以完節付巡遠天下為重一族為輕萬世為
重一生為輕安南詩云忌公人是愛公人信矣哉

胡閏

姚涑曰涑自史館始知戴公之大節訪諸邑人類不能舉




其概求之郡志則佚而不傳惟科貢考僅列公名而又失
其實按洪武二十七年及第首定海張信第三人則公也
公官編修侍講中改御史及左拾遺者繼世更定之制也
先皇之簡拔嗣君之所錄用其文學風韻固已見推于當
世矣北兵南下長江不守公以身殉義禍延宗黨此公死
事之跡也 文皇興靖難之師固非常情之所仰測一時
諸臣莫不達權通變保其榮祿悔吝不及獨公若逆天命
拂人情至于嚴誅而不悔豈昧趨避于其間哉蓋人各有
心有所可必有所不可有所能必有所不能壬午之死固

公之謂可而亦其自以為能者又安得有他顧哉

戴德彛

設遷曰草朝之變讐始叔侄古未有也凡彼剛士槩曰奸
黨銷英風而廟義槩 聖祖顯忠之報益有藉焉由此而
往僅踰二十年蹇夏又為齊黃矣尤而效之無一人殉其
節宮商和而桴鼓應上所漸磨然也噫 聖祖優仇讐之
買的而今不能容至親之三王 聖祖全漠北之子英而
今不能宥奸籍之姻黨 聖祖謚異類之順帝而今至廢
骨肉之建文 聖祖脩既亡之元史而今且草代傳之年
號作述相懸何啻霄壤哉雖天威叵測而道行陳瑛輩揚



濶益新能無烈乎 總論

上得建文時所上策悉火之或言建文所用之人宜斥不聽
新作奉天殿 製皇帝奉天之寶制誥之寶勅命之寶

夜二大星青赤光自天倉流土司空

戊寅遣安王 楹告懿文太子遷其主于陵園 除興宗孝康皇帝尊號

設遷曰 出帝有茹肝涉血之嫌其追廢庶人宜也 孝

康皇帝夙誼不薄即被一虛號于在天亦何溢之有必曰

悉遵先帝則燕之不為燕也 高皇帝亦曷能禁之

無錫知縣韓約為 其自知州

乙卯翰林院脩撰黃巖王叔英自經于廣德叔英字原采力

學尚風節辟仙居訓導丁丑改德安府學擢知漢陽縣有善

政建文初拜脩撰上資治七策預脩寶錄奉命募兵至廣德

聞變自經玄妙觀之銀杏樹其絕命詞曰人生穹壤間忠孝


貴克全嗟父事君父自省多過愆有志未及竟竒疾忽見纏

肥甘空在案對之不能嚙意在造化神有命歸九泉嘗念夷

與齊餓死首陽嶺周粟豈不佳所見良獨偏高蹤邈難繼偶

爾無足傳千秋史官筆慎勿稱希賢又題其兀曰生既久矣

未有補于當時死亦徒然庶無慚于後世年三十 陳瑛籍




至其家妻金氏已自經二女赴井死所著靜學齋稿多散逸
道士盛希年收葬于城之西隅

黃佐曰先生與正學先生生當興運懷經綸之志然卒皆
不究厥志殉義以死悲夫嘗聞太孫聰明好古欲以周官
致治竟失天下遁死果天命然乎抑人事也予于是益感
君臣相遇之難又信祖法之未可以輕議也讀先生貽正
學書為三復流涕者久之嗚呼先生之識慮遠哉王叔英
錢士升曰臣嘗讀史書至袁粲以劉宋祚衰陰謀反正及
文信公身遭故運方圖興復本朝徵兵江上事雖不成常

哀其志嘆天命難以力爭也當靖難時以天下全勢不能
當一國之師迨寶極已移雖百侍中輩噬臍何及且淮南
殘族鈇鉞梅般猶不能枝柱况其他乎二子班同侍從又
非素負韜鈴者流一旦遭遇國難抗義徵募不得則以死
繼之使袁文有知相從地下不其烈乎夫江流浩瀚彭咸
所居古院幽深仙真所宅謂二子至今未死可也王叔英
黃觀
夜大星赤光燭地自帛度流天市垣中有一小星隨之

庚辰釋清遠衛卒羅義獄擢為戶科給事中

駙馬都尉總兵官梅殷入朝京師臨殷尚擁兵淮上圖興復




上迫公主招梅殷公主嚙指血為書達之殷得書慟哭聞出
奔曰君存與存君亡與亡吾姑俟之乃還京 上曰駙馬勞
苦殷曰勞而無功 上默然

朱國禎曰北平師起中朝用兵其籌畫于內者俱不必言
而修力于外稱知兵善戰者莫如鈇尚書持重有威望者
莫如梅駙馬而盛庸平安輩亦皆良將可以立功者惜天
命已去智不及謀勇不及決即傅藍二公尚在付之大兵
不走即降何況駙馬雖不即死其曰君存與存深念深切
朝對之語極中事情婉而實亢嚴主心愧當亦霽威公主


遺書及牽衣之哭一時見憚居然烈丈夫之風若駙馬者
無耿李之敗甘深曦之沉真不負建文可以下報 太祖矣

七月壬午朔大祀天地于南郊還御奉天殿告即位詔曰昔我
皇考太祖高皇帝龍飛淮甸汎掃區宇東抵虞淵西踰崑崙
南跨南交北際瀚海仁風義聲震盪六合煦爽闇昧咸際光
明三十年間九有寧謐宴駕之日萬方嗟悼煌煌功業恢于
湯武德澤廣布至仁彌流少主以幼冲之資嗣守大業秉心
不順崇信奸回改更成憲戕害諸王放斥師保委政官監淫
佚無度天變于上而不畏地震于下而不懼災延承天而不



其過蝗飛蔽天而不脩德禍機四發將及于朕朕為高皇
嫡子祖有明訓朝無正臣內有奸惡王得興兵討之朕遵
奉條章舉兵以清君側之惡蓋出于不得已也使朕兵不舉
天下亦將有聲罪而攻之者少主曾不躬自責肆行旅拒朕
荷祖宗天地之靈戰勝攻克禱之于壩上殲之于白溝破之
于滄州潰之于棗城鏖之于大河輶之靈壁六戰而已不于
用朕于是駐師畿甸索其奸回庶几周公輔成王之誼而乃
不究朕懷闔躬自焚自絕于宗社天地所不庇鬼神所不容
事不可止朕整師入京秋毫無犯諸王大臣謂朕乃太祖

之嫡順天應人天位不可以久虛神器不可以無主上章勸
進朕拒之再三而不獲乃俯徇輿情于六月十七日即皇帝
位所有合廢政並宜兼舉仍以洪武三十五年為紀其改行
明年為永樂元年建文以來祖宗成法有更改者仍復舊
制云嗚呼文帝入漢尚資恭儉之風武王紹周願廣至仁
之化布告天下其體朕懷詔至臨安有二樵人鬻薪聞人語
曰新天子即位矣樵人矐視久之舍擔相抱慟哭投東湖死
初楚人刑部郎人柳一景蘇太學生王志以請誅李景隆不
聽遁居于東湖日負薪入市口不二價至是並死漳州府教



授茂名陳思賢聞詔至曰明倫正在今日遂親率諸生伍性
原陳應宗林珏鄒君默曾廷瑞呂賢為舊君之位哭臨如儀
郡人執陳思賢入京不屈死之諸生聞之皆以身殉

高賁亨曰嗚呼樵夫其採薇之徒與與于樵可以媿夫不
死于官者矣草除之變吾台死義者凡四人樵夫不與焉
而其事傳其不傳者又未可知也傳不傳樵夫不與焉故
曰採薇之徒也東湖樵夫


群忠事略曰儒官之秩雖卑實任綱常之重陳君之從容
盡道又能使諸生駢首就死而不悔非其師友平日講之
素明守之素定何以能此嗚呼孰謂海邦遠僻而有臨大節
植綱常若斯人者耶噫是可尚已

癸未脩周齊二節
命禮部鑄諸司舊印

湖廣行都司都指揮同知薛鵬為河南都指揮使都督僉事
徐義為都督同知鎮守兗州

福建都指揮使鄭祥為右軍都督僉事

召前北平按察使陳瑛為都察院左副都御史瑛性殘刻怨
草朝甚深暨入朝曰不以叛逆處彼則我輩何名舉朝大吏



俱不答瑛遂決意泄忿一日閩傳建文帝尚在與諸通臣
圖復瑛密奏方孝孺黃子澄家諸門生故吏結黨可慮宜下
令捕之正犯論磔妻子流二千里家產沒入庶無後難上
惑之命瑛便宜行事恣意羅織鈐歷刑部大理諸臣殺身外
且錄九族外親以至外親之外親師友交游隻字相通即誣
奸黨蔓延十族村里為墟

甲申享太廟

吏部請復建文中改官如洪武舊制從之
夜大星二一赤自紫薇西藩流至文昌一流至雲中

乙酉禁執無辜人辜賞者抵罪


設靖江府諮議所一記室一秩俱從七品

右軍都督僉事鄭祥充總兵官鎮守雲南雲南左副總兵盧
旺都指揮僉事歐慶充左右副總兵

都指揮使何清往浙直整兵撫民

復翰林院侍書黃淮芮善劉彥銘鄒進吳均唐恕王璉吳勝
鮑麟為中書舍人

禮部左侍郎兼翰林學士董倫致仕尋卒倫字安常思縣人
家宛平國初辟右春坊右贊善大夫直東宮進左春坊大學



士壬申改河南左叅議盡心民事丁丑誥誤免官典教雲南
建文初召至拜令官屢言當務親睦不聽年八十餘勒罷出
京悒悒數日卒

袁表曰昔魏徵曰願為良臣不願為忠臣有以哉董公以
甘盤之舊建文中復赴宣室之召從容清禁壽考令終不
與齊黃之難將不得為良臣乎哉

夜大星青白光自帝座旁流入紫微西藩又有大星赤光自
八穀流至五車

丙戌改謚湘度王曰獻

翰林侍講王景為學士吳府審理副楊士奇為編修

丁亥復各道監察御史


復泗州宿州山川壇籍田祠祭署其南郊祠祭署定為郊壇
祠祭署鍾山祠祭署不可罷

夜大星赤白光自天市西垣流心宿

戊子祭太社太稷


夜月入氐宿大星赤光自宗星南流天市東垣

辛卯儒士曾日章為翰林侍讀國子助教鄒輯為侍講給事
中金幼孜王洪桐城知縣吳儼並改檢討



殺刑部尚書侯泰蘇州知府姚善泰南和人時督運淮安赴
闕至高郵被執不屈死妻配象奴弟敬祖子玘皆論死姚
善字克一初姓李復氏姚安陸人洪武中貢士授祁門縣丞
進廬州同知歷重慶守蘇州咸有能名卹民下士禮重俞貞
木錢芹有古循吏風時奉詔兼督蘇松常鎮嘉興兵勤王未
戰縛至磔死年四十三子節戍賀縣千戶所幼子繼兗隨母
給配旗手衛指揮張旭家保兗項兗送工部習匠善友人禮
科左給事中常熟黃鉞憂居聞其死起登琴川橋哭祭投水
死鉞字叔揚入太學任宜章典史建文已卯舉湖廣鄉試明
年庚辰成進士授刑科歷禮戶科左給事善勤王招鉞侯
莖父往俞貞木勸善勤王亦坐死

袁袞曰予童子時數聞長老言姚公之治蘇勤卹民隱而
教之以禮其消息因革皆可施永久昔子賤治單父夫子
問之對曰不齊所師事者三人有賢于不齊者五人皆敬
事之夫子嘆曰惜哉不齊之所治者小也觀姚公之禮遇
賢者雖子賤何以過草除間北兵長驅諸郡望風降迎惟
恐後獨公以蘇州底節不下伏劍而死忠義之名施乎亡
窮卒賴得士之助彼井蛙之徒志驕氣滿視下交如辱聞



姚公之風可以媿矣 姚善

楊儀曰叔楊克一之死均為忠也然克一受命于君舉義師不能成功卒為麾下所縛身死族夷此君子之所優為也若叔楊之死則屢絕而復食須臾以待克一事定然後從容致身以成其義孝不遺其親忠不後其君信不忘其友而又不紆以偷生不棘以蔓禍其賢于人遠矣哉 黃鉞

王世貞曰事固不可論以建文之亡而士大夫爭先而為故主死者若饑之就食而暍之就涼豈所謂殺身成仁志士之分而手足腹心亦報施之常烈、叔揚其沒者固類


然而付清波而其不沒者尚凜然而傲秋霜也耶 黃鉞

劉鳳曰士守經義儒衣冠道先王語其雍容醞藉可也及事變起能奮難不忘死亦良難哉仲理未食其言食徒以受國士知于孝孺遂以身殉叔揚有隕無二為臣之節是其庶乎方國家始建威德遂盛海內忠義之臣接踵而死湮滅無所復志者多矣故其事皆不得而詳焉至匿山澤易姓名隱約以終身此其人豈有所要于後哉名不名無預也而明教化以著統風厲來者是以貴君子表微乎

壬辰召代王 桂

國權 建文四年

六



鑄司禮監出入精微印

癸巳改封懿文皇太子次子吳王允燾為廣澤王國漳州衛
王允燾為懷恩王國建昌徐王允燾為敷惠王隨母呂氏居
懿文陵

設遷曰漢祖有怨有憂羹之封 文皇改封懿文子顧名

思義殆同降叛禍端見矣覆巢之下寧有完卵耶

甲午裁河北都司湖廣行都司

乙未左軍都督僉事趙清往中都整兵撫民

定來朝文武官賞格

夜木星退犯東咸又大星青赤光白入壘壁陣流北落師門

丙申告即位于先陵及歷代帝王陵闕里嶽鎮海瀆之神

諭前軍左都督李增枝整兵荊州節制荊州襄陽瞿唐安陸
諸衛

諭兵部榜諭軍民安業入城之日市不易肆今豈監及無辜
有誑衆者罪之


是夜月犯壘壁陣星又大星青白光自宗正流入流氣中有
二小星隨之

丁酉賜谷王楸樂三奏衛士三百金銀槍大劍黃金三百白

國權

建文四年

空文



金三千緜幣三百匹錠三百錠馬四疋金籠鞍轡二副歲增米三千石

戊戌大理寺辦事官虞文達為四川道監察御史

山東撫民主簿周觀政為江西按察使前海鹽典史史國用為山東按察僉事俱原御史被斥者

吏部請繩罪吏上以既赦悉除之


復瀋陽左右二衛

昏刺大星青白光流西北

已亥楚王還國

翰林待詔解縉為脩撰侍讀胡靖為侍講編脩楊溥楊子榮為脩撰檢討鄭好義為編脩太平訓導蕭引高為檢討應天訓導王汝玉蕪湖訓導張伯穎為五經博士特改子榮名榮庚子太白晝見夜大星青白光燭地自天倉流近濁金星入太微垣右掖門月犯天囷星

辛丑勅諭將士曰朕舉兵靖難爾等多功所司上狀未詳故未即賞昔中山王從高皇帝混一天下二年後方賞今踰月爾輒憤後時不已急乎向在小兵間小捷必報豈當大定遂忽諸業勅所司亟上悞許陳改




上朝罷顧近臣太息曰如散官一事前代沿久何建文改之也于是愴然色變進吏部尚書張統戶部尚書王鈺曰卿二人皆老矣今解秩給半俸居京師統出自經部之後堂統月字昭季富平人舉明經授東宮侍書才識通敏進通政司左叅議尋拜雲南右叅政進左政司時六詔初定凡貢賦法布制悉統裁定秩滿入覲勅勞之建文初進吏部尚書滇人戀慕如失乳在銓識鑿精絕士類相慶至是因散官被詰懼甚所著顯庵集吏部左侍郎毛泰亦死

王世貞曰統之死較之諸公雖未為烈然其過于鄭賜王

鈺輩則遠矣

朱國楨曰張公之死說者不一或曰聞 文皇即位自堂上投于地痛哭徹晝夜泪盡繼之以血迨曉竟自縊一曰投鍾山龍潭妻與二妾四子家僮皆從而訾者則曰 文皇以改散官事詰責慙懼自縊又云謁 太宗受勅慰諭最後自縊不宜與方錢諸公同攷公死在 文皇即位後三十四日後之十六日則前二說似描寫太過不可信最後賜勅或者通行朝臣非止一人惟散官之詰理或有之似與烈死迥死者異然公之縊差十七日與董倫賜罷同



日倫出城數日方死尚在可憐當收入建文遺臣中公又先之以大臣不容于新朝即可以見故主分表忠一席非過也

設遷曰國史允殉難諸臣不甚稱述于張冢宰又亡論矣俛仰朝新終不自安雉經官舍亦不遠之復其文學政事卓然有可紀者寧肯覘馬辱其身哉其稍失之需忍者或微有所待耶

壬辰補賜諸生樂戶

癸卯左都督表字往四川雲南整兵撫民俟事畢即鎮守雲

南江陰侯吳高往河南陝西整兵撫民事畢即鎮守陝西

甲辰命前工部尚書嚴震直致任戶部尚書王鈺應天府尹


韓正言等分往山西山東河南陝西巡視民瘼

復牧馬千戶所

乙巳賜諸王黃金百兩白金千兩綵段四十錦十紗羅各二十疋鈔五千錠

丙午諭都督陳珪等輔導皇長子居守北平

吏部右侍郎蹇義為左侍郎郎中陳洽為右侍郎戶部右侍郎夏原吉為左侍郎兵部右侍郎古朴改戶部署禮外部員



事負外郎宋禮為右侍郎兵部郎中方賓為右侍郎工部尚書鄭賜改刑部湖廣按察使黃信為都察院右副都御史河南按察僉事劉翥俞士吉為左右僉都御史楊得安為右僉都御史

復前戶部尚書郁新工部右侍郎黃福官宥湖廣按察僉事朱吉為中書舍人湖廣布政司大叅議李至剛為右通政時皆坐累下獄

丁未申明天下誦讀大誥三篇
戊申諭兵部惟軍機給驛餘並止

舞陽人王忠等作亂南陽衛指揮王真率兵破擒人


已酉遣給事中閱天下逃軍補伍

監生莊亶何淮謝朝錫傅善為試給事中亶兵科淮朝錫刑科善二科

神策衛知事羅文貴陸說龍江右衛知事柴履監生唐友成陳夷鍾永用黃禮楊善徐儉王敏張潛吳閏沈懋胡亨李安敏為監察御史

八月壬子朔頒詔朝鮮

授後軍都督同知陳用都督僉事曹遠署山西行都司事左



軍都督劉貞守遼東

夜大星青白光燭地自奎宿流近濁

癸丑天下耆民來朝懼妨獲諭禮部即止之

甲寅求民間識字婦女充內職年三十至四十女子年十七
上者

以鳳陽淮安等官牛給北平山東河南

丁巳遣官釋奠先師

戶部定天下中鹽處命金齒楚雄四井川鹽川井衛陝西甘
州衛勿停餘悉傳之

戊午祭太稷太社

中書舍人黃淮為翰林編脩

遣使詔諭覺靈烏藏必力工瓦思達藏朵思尼八刺速
等處


寧王權求居杭州不許命于建寧荊州廣東永昌擇之

夜大星青白光自尾宿留雲中

己未封周府有勳汝南王有烜順陽王有爵祥符王有羹新

安王有光承寧王有炳海陽王有熿鎮平王有焮宜陽王齊

府賢熒樂安王賢煖長山王賢賓平原王



召秦王尚炳

右軍左都督何福為征前將軍總兵官往鎮陝西寧夏節制陝西山西河南官軍右軍都督同知韓觀往江西練兵廣

東福建湖廣聽節制

庚申復北平右布政使曹昱官

監生丁琰姚山林從李晟俱為給事中

壬戌代王桂及世子遜端來朝

定罪人輸作例

岷王榘奏西平侯沐晟謀逆狀 上書諭王曰嘗聞 皇考

遺訓年二十五尚未誕嗣沐英甫八歲 皇妣鞠之後命復

姓封侯控御蠻夷十餘年來朕無南顧憂者以英在也今晟

所為鹵莽信奸邪以犯吾弟固不可宥但念乃父封疆不忍

罪之况雲南重地安邊撫夷非賴世臣其何以能苟不改過

罪之未晚吾弟亦宜念黔寧之親置之度外又諭宜篤親

親以消舊怨

徐學謨曰予觀 文皇帝諭岷莊王語知沐氏有大勛于


國家即以親弟之奏不忍加法非以日南之所倚重者乎

頃孫裔孫凌犯按臣鞫之幾置大辟朝議竟從輕譴有以

國權

建文四年

七十三



也岷國武岡始以邊地請徙特辭常祿行糧俸給一千五百石國以貧故代多賢亂孔子曰以約失之者鮮矣善耳
哉言夫

定十一月朔進大統歷

四川行都司都指揮同知程達為前軍都督僉事仍鎮守

癸亥晉王濟熺來朝

衍聖公孔鑑卒

復設建陽衛杭州前衛

甲子西平侯沐晟鎮守雲南

定罪人輸粟北平自贖

江西廬陵人作亂守臣請兵 上曰此不足患遣行人許子

謨教諭之仍勅都督韓觀招撫

夜金星入角宿又大星青白光自午宿流至天市東垣旁一

小星隨之

丙寅昭德王濟熿來朝


定賞功格

上得建文時奏章千餘道使翰林侍讀學士解縉等閱其干
犯者悉燔之既從容問爾等皆宜有象未對脩撰李賈進曰

國權

建文四年

七




臣竇無 上曰爾謂無忠耶朕非惡盡心建文者惡其道之
壞祖法耳事建文忠建文事朕忠朕不必曲為覆耳

殺御史大夫真寧耿清清洪武甲戌進士及第授翰林編修
丁丑春命署都察院左僉都御史註誤下獄尋宥之出巡茶
川陝建文初擢左都御史改北平布政使叅議往察燕王起
屠燕王甚稱之還臺改御史大夫至是知 讓帝出亡猶思
興復說自附 上喜曰吾故人也厚遇人仍其官因伏利刃
于衣衽中是日早朝清緋衣入先是靈臺奏文曲帝犯座甚
急色赤 上見清衣緋命左右搜之得利刃詰之曰欲為故

主報仇耳遂醜詆 上命武士抉其齒含血喫御袍命剝其
膚草實之械繫長安門其夕精英迭見後駕過屍所忽索斷
直前數步若犯駕狀乃火之已夢清伏劍追繞御座覺曰清
猶為厲耶命赤其族籍其鄉轉相攀染曰瓜蔓抄清姊適劉
國、兄固授山東青州教諭養母同依清京師並遇害固子
超年十五臨刑一怒縛斷連殺十餘人被磔固字永貞奪刀
年三十六耿清報籍訛為景崇禎已已有神降于瓦南京大
理寺卿徐良彥官舍詢之曰劉固因著幽忠記

表表曰耿公慕豫讓之義衷劔以朝盡心焉耳矣成不成



豈足計哉


錢士升曰 文皇天授神武起而踐阼又且 高皇帝子也 以清伉節死故主難足以報矣乃欲效漸離子房輩得一當以快所懷來至于骨盡皮懸英靈激動嗚呼方其詭附新運腸絕九迴緋衣之變上通天象豈偶也哉豫讓不云乎既已臣而求刺之是二心也然而勢殊隔代義屬一家清以其身委蛇班僚迹類解揚而志圖荆聶亦或一道也不然覲顏異姓身污逆名即幸而事成豈能洗失節之辱哉

談遷曰齊黃方練之操千載下為之魂悸而耿清託于專聶犯雷霆所不及料其事必無成也徒以矢忠無地出于九死俾 英主且忿且疑畢世不解胡濙久使鄭和遠泛俱蓄慮使然也嘆乎耿清優于荆卿漸離多矣

錢士升曰耿公懷七劉仙降乩耿疑詭劉疑誕其實不也天人旁薄宇宙惟此精神一真正行旁行皆足千

耳精神

古入無入有直窮三界是以俠客入秦著白虹貫日之象真君垂錄昭洞見忠孝之文此皆節烈之鬱思游魂之精爽而猥謂劍術焉不詳搜神為志怪不其同與



戊辰夜月犯天囷星入大星赤光自五車流參宿火星犯太
微西垣犯將星

己巳許逃軍自首赴京立功贖罪

庚午勅寧夏總兵官左都何福曰欽天監言火星犯上將督

爾為將禦邊宜慎之毋忘

右軍都督陳暉往江西參韓觀軍事

夜月犯畢宿

殺御史府右副都御史秦興茅大方博學能詩文舉儒
士授淮安教授入朝召對稱旨擢秦府長史制詞勉以董仲

舒顏其堂希董建文中副院至是不屈死三子並遇害妻張

氏下教坊所著希董集五卷行世

壬申命濟熿居平陽

癸酉夜大星青白自雲中流近濁


甲戌高煦還北平

夜大星入太微垣右掖門

乙亥大星赤光自雲中流近濁

丙子楷揮施文守泗州

前燕府長史金忠為工部右侍郎



靖江王府諮議所改長史司

蠲應天太平鎮江寧國廣德今年赴役京師

丁丑詔諭和林瓦剌等處諸部首長

命撫淮安永平北平河間流民復業者

戊寅水軍右衛指揮僉事宣信為前軍都督僉事

己卯柳州等處蠻不靖遣禮部員外郎李宗輔等勅諭之

夜大星青白光自外屏流壘壁陣又星赤光自內屏流近濁

又有星自紫薇西藩流近濁

九月辛巳朔肅王榘來朝

戶部郎中李昶撫安北平郡縣

夜大星青白光自土司旁流入雲中火星流右執法空

壬午蜀王椿來朝秦王尚炳至

癸未晉王還國


湖廣布政司左右叅政郭燧王麟按察副使聞良輔僉事陳

晟蔣賓興鄔脩張敏俱有罪降行人

夜金星入氐宿


甲申封秦府尚炳興平王尚虹永壽王尚炆安定王晉府昭

德王濟熿改平陽王濟煬廣昌王



大封靖難功臣中軍左都督邱福淇國公祿二千五百石都督僉事朱能為中軍左都督成國公祿二千二百石都督僉事張武為中軍都督同知成陽侯祿千五百石陳珪為後軍都督同知泰寧侯祿千二百石鄭亨為中軍左都督武安侯祿千五百石孟善為右軍都督同知武定侯祿千二百石火真為中軍都督僉事同安侯祿千五百石右都督顧成鎮遠侯都督僉事王忠為右軍都督同知靖安侯祿千石都指揮使王聰為中軍都督僉事武城侯祿千五百石都督僉事徐忠為前軍左都督永康侯祿千一百石都督僉事張信隆平

侯李遠為中軍都督同知安平侯並祿千石郭亮為左軍都督同知成安侯祿千二百石隆平安平安俱世伯都督僉事房寬封恩恩侯祿八百石世指揮使都指揮使徐祥封興安伯祿千石世爵都督僉事徐理封武康伯都指揮同知李濬襄城伯張輔信安伯都督僉事唐雲新昌伯世指揮使故都指揮同知譚淵子忠新寧伯都指揮僉事孫巖應城伯房勝富昌伯世指揮使趙彝忻城伯都督僉事陳旭雲陽伯並祿千石劉才廣恩伯祿九百石世指揮同知進李景隆太子太師曹國公祿四千石茹瑺太子少保兼兵部尚書封忠誠



伯祿千石都督同知王佐為中軍都督同知順昌伯陳瑄為
右軍都督同知平江伯駙馬都尉永春侯王寧並祿一千石
王世貞曰靖難諸將臣從藩邸起以一旅之師彈丸之地
出萬死者三載而遂安定宗社于太山之固此其績誠巨
然英主實在軍攻堅履危斷自神授又大戰不過十餘所
定軍府不過三四而已毋論中山開平其視曹衛宗頴而
下抑何徑庭也今高皇帝之盟白馬指黃河而誓其功
臣鮮有存者易世而後所當僅如綫之下與崔荷之盜鹵
級數十以至百積自伯以至侯遂有公者今胡以貂錦封

蟬聯也以此况彼誠不可同年而語之矣

故都督同知張玉追封崇國公謚忠顯故後軍都督僉事陳
亨追封為涇國公謚忠勇故都督指揮使譚淵追封崇安侯
謚壯節


吏部左侍郎為尚書蹇義右侍郎陳洽為左侍郎戶部左侍

郎夏原吉為尚書右侍郎古朴為左侍郎兵部左侍郎劉儁

為尚書右侍郎方賓為左侍郎禮部右侍郎宋禮為左侍郎

工部右侍郎黃福為左侍郎大理寺少卿薛嵩為寺卿左寺

丞袁復為少卿



殺陝西按察僉事寧海林嘉猷嘉猷師方孝孺洪武末以儒
士校文四川蜀獻王薦為成都府建文初累遷陝西按察使
僉事至是坐方黨逮死

丁亥詔諭安南暹羅瓜哇琉球日本蘇門答刺占城諸國王
戊子都指揮使劉江為中軍都督僉事朱榮為左軍都督僉
事馬榮紀清為右軍都督僉事都指揮同知朱崇為後軍都
督同知何濬薛脫歡許成並為左軍都督僉事高成為右軍
都督僉事譚深為前軍都督僉事都指揮僉事陳懋為中軍
都督曹得山西並為中軍都督僉事張僉為中軍都督僉事

高士文劉寶華聚為前軍都督僉事譚青王端為後軍都督
僉事

命各衛所屯田如舊制專一人提調歲終上其入數

江西廬陵逃民俱復業勅勞都督韓觀


谷王穗請作宮殿于長沙以勞民已之

有言東南諸夷島多我逃人佐寇上復勅諭之

犯開原官軍拒卻之

己丑慶王榘來朝

命遼王植國于荊州



太平府試推官袁綱蘇州試推官徐通正前鎮平軍民指揮
司試經歷馮本清前開封軍民指揮司試經歷陳常俱為監
察御史

庚寅高陽王高煦來朝秦州王還國


周世子有燬自雲南來朝

召廣澤王允熲懷恩王允熿

辛卯賜在京官吏軍民鈔幣

殺刑部左侍郎吳子昭初名志高字仲常先江西廬陵人徙
于河南大足縣父復初教授榮縣之東川因家焉生志高子

昭弱冠舉經明行脩授本邑訓導蜀王獻于朝 太祖親試
稱旨授翰林簡討更名子昭尋陞刑部右侍郎建文初轉兵
部左侍郎迨聞變大內火子昭哀經哭入廟比有詔詰問子
昭歷陳君臣大義至覆辨論詞色過激下詔獄居五月覆詔
詰之不屈數請死遂磔于西市年四十一亡子婦黃氏死焉
女金奴没入宮姻屬遠戍五十八家加榮縣賦八百石其弟
山東按察僉事志遠預奉母避難約曰忠孝務力努力志遠
遂負母而逃不知所之金奴入宮五十餘年天順間乞歸
老東川子昭嘗從方孝孺講學漢中蜀王遺之詩有曰不憚



三巴路欲成仁者心殆詩識也


陳鏊曰聞之事君者不得顧家此忠臣烈士當利害之際不能兩全不得已而為是言耳身雖死必有不安于心者求為忠臣而視其親就鼎鑊豈人情也哉公有母在能先為之所而從容以死尤人所難陸宣公所謂上不負其國下不負所學而公又能不傷其親者矣

工部右侍郎張顯宗江西左布政使楊璉接察使房安僉事呂升等俱戍興州以軍士執告其罪也

夜月犯壘壁陣星

壬辰許回回可吉思市馬寧夏償以布

工部尚書嚴震直卒震直浙江烏程縣人洪武五年薦授試參議尋授戶部郎中進工部右侍郎逾年進尚書癸酉坐事降御史使龍州乙亥脩桂林靈渠尋進右都御史復為工部尚書丁丑請廣東鹽得行江西安贛吉臨諸郡 高皇帝數稱之建文初督餉山東至是使安南回雲南悲憤吞金而死設遷曰嚴震直後死諸家謂南使回滇值 文太師悲憤賈志弟龍潛才三月安能遽及于滇且露其迹也攷從亡隨筆時太師政在襄陽廖平家則震直死別有繇耳國史



云寡學無識善附權要 上頗薄之史未足盡信大抵以

朴質勤敏稱視張純純王純死又有間矣

曉刻火星犯左執法

甲午者罪人携家佃北平流罪三年死罪五年後釋為氓

定功臣死罪減祿例武官軍士贖罪例

乙未申木鐸教民之令

詔諭兀良哈大小頭目

右軍都督同知韓觀為征南將軍總兵官鎮守廣西

故燕山右護衛百戶王真追封金鄉侯謚忠壯

命戶部遣覈太原平陽澤州潞安遼州沁州汾州餘丁實北

平各郡縣仍每戶給鈔俾以置牛種農具五年後稅之

賞從征扈駕將士

夜月犯天困星曉刻火星出掖門外

丙申肅王 橫還國

浙江杭州知府虞謙為大理寺左少卿

夜金星入房宿


酉丁蜀王還國

夜大星青白光自雲中流入近濁

國權

建文四年

全四



戊戌工部右侍郎黃福為尚書是日工部左侍郎張思恭奉
建文帝出使還職

夜大星二俱青白光一自闕 流入雲中一自軫宿流游氣

已亥夜有大星青白光燭地自文昌流至近濁没

庚子慶王還國

左軍都督僉事劉真為左都督 鎮遠東真恒有愧色以女為德妃故得宥

辛丑復議大賚臣民

作鳳陽浮橋

乙巳建金錄大醮于朝天宮追薦福于 先帝 先后

命武康伯徐理等往北平度地處罪徙之民

命都督陳用孫岳陳智移山西行都司官軍于北平設衛岳

前守中都不下

丙午大同中護衛改定州衛

夜有大星青白光濁地自雲中流至近濁有二小星隨之

戊申復齊王 棹 國青州


秦愍王次子尚烱來朝

已酉作 皇后金寶盤龍紐

鎮守揚州都指揮同知王禮為河南都司

國權 建文四年

金



庚戌夜有大星青白光燭地自五諸侯流入游氣中又有大星自外屏流至羽林軍

十月辛亥朔夜有金星犯天江又有大星二俱青白色一自八穀流上台一自天厨流入雲中

壬子寧王權來朝

癸丑楚世子孟烷來朝

前湖廣布政使左叅議楊砥為鴻臚寺卿


夜有二大星一赤光自天園流至近濁一青白光燭地自外屏流至霹靂

甲寅諭兵部尚書茹瑄劉儁以逃軍降罰本將之罪
曉刺火星犯進賢星

乙卯許羽林前衛指揮僉事王三哈歸彰德養母

丙辰享太廟畢遣祭功臣廟著為令

監生王孚陳禮朱肇何海陸禎王政劉端姚綱阮容姚伯善
俱為給事中大理寺左評事周新蔡瑛孫碩劉觀右評事
楊廉司賓署丞周敏序班劉英兵部司部張進遠志盛文明
行人李公敏亢誠施安顧謙牛庸傅霖盛敬為監察御史
夜木星犯天江



丁巳前北平屬官朱寧等二百十九人俱遁去命輸粟贖罪
訖成興州

是日宴功臣于奉天殿

戊午頒洪武中冠昏喪祭服舍器用圖示中外俾人民知遵

守選陝西河南山西山東鳳陽等處力士三千五百人

已未脩高皇帝實錄勅太子太師曹國公李景隆太子少

保兼兵部尚書忠誠伯茹瑄監脩總裁官翰林院學士解縉

總裁務各至公以光簡冊是日又勅纂脩官翰林學士王景

右通政李至剛翰林侍讀胡靖黃淮曾日章胡儼侍講鄒輯

楊士奇金幼孜脩撰李貫吳溥編修楊溥鄭好義檢討王洪

五經博士張伯穎王汝玉典籍沈度潘畿侍詔王延齡科

給事中朱紘吏部郎中徐旭禮部郎中朱遠戶部主事端木

孝思太常寺博士錢仲益國子監博士金玉鉉助教王達行


人蔣驥按察使僉事葉砥知府劉辰知州鄒

濟知縣王褒知縣楊靚知縣梁潛知縣趙

季通知縣沈瑜教諭劉宗平教諭解榮

訓導羅思程訓導傅貴清晉府伴讀蘇伯厚靖江府教

授張顯諸生端禮楊孟力朱逢吉莫士安馬定唐廣耘命建



文事附其後焉

設遷曰國可滅史不可滅靖難之事彼棄屣而此止戈名
正言順夫何疑之有今草建文而仍洪武孫蒙號祖是似
以父子角非所以妥高皇帝在天之靈也漢不以呂雉
而廢本紀唐不以武曌而廢實錄成祖英主如董狐據
理以爭且憬然悟矣惜乎在廷之默也
真人張宇初來朝
是月脩灞橋
辛酉江西布政司改寧王邸

誅中軍都督同知陳質以建文中奏代王強奪民之女也

癸亥夜金星入南斗杓

開原備禦都指揮吳立聞警遣指揮莊濟拒襲之值

衆我指揮張恂李冕棄軍走大進濟力戰卻之命斬張恂

李冕以狗

曉刺火星入角宿

乙丑夜月犯畢宿大星色青白光燭地自離宮流入河鼓


丙寅陝西布政司右叅政戚存心為禮部右侍郎陝西按察

使師遠為兵部右侍郎副使王平為左僉都御史僉事未逢

國權

建文四年

六



吉為大理寺左寺丞

鎮遠侯顧成鎮守青州

肅府護衛改莊浪衛

丁卯定北平守城功賞

復浙江餘姚千戶所

殺兵部尚書鈇鉉鄧州人入太學授都督府斷事賜字鼎

石進禮科給事中屢使稱旨尋擢山東布政司左叅政建文

己卯燕人回濟南三月拒卻之詔賜金幣入謝拜山東左布

政使尋進兵部尚書監盛庸軍壬午四月又敗燕人于小河

斬驍將王真中原震動及燕人渡江猶擁兵淮南圖恢復至

是擒至背立闕下詞不屈刺其膝截耳鼻堅不一顧乃命寸

割之罵喃、不絕年三十七父仲名母薛氏皆年八十餘流

海南子福安年十二戍河池州福昌七歲充局匠皆慘死妻


楊氏下教坊病死二女終不受辱久之俱赦出適士人

鄭曉曰鈇公壯猷偉略完濟南以障江淮而豐沛不守徐

揚二府震盪無可為矣故使公用于鄭村壩白溝河未戰

之前事未可知也

許相卿曰鉉以非常之才匡難殉國遭天命已改志不克



就然剛毅果敢之氣耿、激烈不可屈撓自其早歲受知
高廟已負託孤寄命不屈之節乃卒以烈誠奇畫震耀今
古 文皇帝每對群臣特稱其忠焉
王世貞曰壬午之難有功而無媿色者一人焉曰鈇司馬
鉉已已之難有功而無難色者一人焉曰司馬謙姓于其
人才同也也也酷禍同也
群忠事略曰嗚呼使中原數年之間守土之臣盡如鉉也
則靖難之師雖出神算豈能飛渡江淮也耶惜乎用之已
晚不能盡厥施耳

錢士升曰鉉以死守濟南牽北兵及其赴援東昌再戰于
小河斬將搃旗燕師震動鉉之功亦偉矣然而南帆兢渡
北幟益張淮水瀾、豈能支柱鉉雖擁殘旅要之規圖興
復非其會矣當其鈇板作降神牌拒擊其智謀詎出張許
下而時運所值勢無復之假如叅軍之計即行而神京不
守雖徑趨北平亦烏能違天自立乎

辛未貴州蝗命賑以鈔免徭役三年


壬申谷王德之國

寧夏搃兵官何福奏徵騎卒五月一更屯田朔卒簡騎說免

國權

建文四年

九十



其租購河州馬給守隘將士皮裘狐帽 上悉從之

癸酉浙江定海縣丞溫仲和尤溪縣丞孟等俱復河南僉事

甲戌詔還軍士所掠民間子女

夜大星青白光自婁宿流至游氣月行太微垣端門曉刻月犯左執法

乙亥復廬淵兵部左侍郎

旌丹徒縣民人唐川孝行

左軍都督僉事徐凱卒凱合肥縣人

丙子甘州中衛左所軍張真上書言事 上曰戌卒能言賜

衣一襲鈔千貫

戊寅慶成王濟炫來朝

改周邸于洛陽

復遼東及在京罪人戌于邊者仍原衛屯田

辛卯中軍都督僉事宋晟為後軍左督都

欽天監占有邊警命嚴備

夜有大星赤光自翼宿經端門流謁者旁


十一月庚辰朔夜大星青白光自軒轅流至下台

辛巳監生馬賓為禮科給事中

國權

建文四年

九十一



壬子命禮部清理釋道二教

夜大星青白光自天廟流至游氣中曉刺大星入亢宿

甲申高平王濟燁來朝

令武安侯鄭亨于千戶寨灰嶺慶州神樹西馬山七渡河設

堠斥新昌伯唐雲率兵自小興州至大興州牛嶺會塔山龍

州諸夷屯種

都指揮使景福為右軍都督僉事薛貞為後軍都督僉事

犯盤山官軍邊擊敗之

丙戌奉天新殿成

丁亥復安東中屯衛大同瀋陽二屯衛俱隸北平諸都司銅

鼓五開靖州三衛仍隸湖廣都司

戊子翰林院侍讀解縉為翰林侍讀學士侍講胡靖編修黃

淮檢討胡儼皆進侍讀脩撰楊榮編修楊士榮檢討金幼孜

皆進侍講

庚寅開商縣鳳凰山銀坑

夜月犯天囷星

辛卯長山王賢煖來朝

壬辰立 皇后徐氏頒詔天下

